



# AWEMinta

E DIFERENCIA DEN NOTICIA

## GOBIERNO SU PLAN CU EAGLE LNG A HAYA SLA MORTAL NA MERCA



Foto: Jon Shapley via Getty Images

2

**CUMINSA INTEGRA  
ILEGALNAN YA CU  
FALTA HOPI TRAHADO**  
NO SIMPLEMENTE IGNORA NAN

**NA DREMPEL DI ELECCION  
TIN 'SUBASTA' PRIVA PA  
PUESTONAN HALTO DEN  
APARATO DI GOBIERNO**

**PARLAMENTARIO INDEPENDIENTE  
MR. GERLIEN CROES:  
COLECTANDO NA PLACH'I NUMBER  
PA PAGA INTERES DI DEBE FIRMA PA  
MINISTER PRESIDENT CU HULANDA**

3

4

5




Awo cu 2 florin mas, bo por gana e **MEGA PLUS**

\*Afl. **580.000,-**  
\*Afl. 420.000,- + Afl. 160.000,- extra

Benta ta sera 7:30 pm y sorteo ta hunga 7:45 pm



HUNGA AWO



**Market Leader of Business Software in the Caribbean**

**Solutions for:**

- Finance
- Wholesale Distribution
- Professional Services
- HRM, CRM and BPM

**=exact**

*Supports All Your  
Business Activities & Processes!*

**VCC**  
International NV

Tel. 583-7072 | info@vcc-int.com | www.vcc-int.com

## Gobierno su plan cu Eagle LNG a haya sla mortal na Merca



**E** medio di comunicacion na Merca, 'Oil & Gas Journal', di abierna ultimo 26 di Januari, a informa cu gobierno di Presidente Joe Biden, a dicidi di suspende tur tipo di expansion pa loke ta proyectoran di gas loke a hinca US LNG den un situacion hopi delicado.

E suspension cu ta ser ehecuta y controla pa e departamento di 'US Department of Energy-DOE', lo sigui cu su control pa loke ta e procesonan cu tin andando pa expansion den exterior, pa si e forma aki considera e impacto cu e efecto lo por tin riba situacion di clima y tambe pa loke ta asuntonan economico.

Den e articulo ta mustra cu e plan di expansion di US LNG cu e decision aki, ta pone henter e plan di e compania aki den discrepancia caminda no ta anticipa cu pa prome cu luna di November di e año aki, e suspension aki lo conoce un cambio mirando cu na e mesun luna menciona, lo tin elecion pa Presidente di Merca.

*"The decision will not affect the 8 LNG terminals already in operation, nor will the review impede the 10 projects that already hold DOE export authorizations and are currently under construction."*

Eagle LNG no ta cay den e grupo di 8 proyecto cu ya ta den operacion ya cu riba tereno di refineria na San Nicolas no tin nada construi, a pesar di promesa haci pa Minister di Energia Glenbert Croes y tampoco Eagle LNG ta den e lista di 10 proyectoran cu tin un autorisacion di DOE y cu ta bou construccion actual.

### SLA MORTAL

E decision di gobierno Merican, a caba di plama henter e plan di Gabinete Wever Croes II pa cu e contract firma pa 20

aña pa entrega gas na WEB Aruba NV, cual tabata destino pa fracasa for di momento cu a firma e contact aki, sin aprobarion di Parlamento y sin cu tabatin transparencia den e proceso aki.

Na luna di November di 2021 Minister Glenbert Croes a hiba algun miembro di conseho di Minister San Nicolas hunto cu algun parlamentario di fraccion di MEP, caminda simbolicamente a firma e contract ya cu esaki a wordo firma algun luna prome caba.

E partner di coalicion, RAIZ cu tabata para pa integridad a wordo manipula y engaña caminda eynan a nace e hecho cu mientras cu lider di e partido blanco ta biba y muri pa integridad, esaki a ser bendy den un contract secreto cu te dia di awe nan no a haya pa mira.

Minister Glenbert Croes a haci un recorido riba tereno di refineria pa supuesto representanten di Eagle LNG scoge un pida tereno caminda e compania lo establece su mes pero nunca mas esaki a keda concretisa.

A sigui e problema grandi con lo core tubo di gas for di tereno na San Nicolas te na tereno di WEB y tampoco a yega na solucion riba esaki y nunca mas representanten cu bin sinta firma cu gabinete Wever Croes, a logra algo concreto den henter e proceso aki.

Cu e decision di gobierno Merican pa suspende tur importacion di loke ta planta di gas den exterior, den cual tambe ta inclui Eagle LNG, esaki a bira practicamente e golpi mortal pa henter e vision y plan di Minister Glenbert Croes.

Pues e promesa haci na pueblo cu den 2024 e proyecto di Eagle LNG lo inicia oficialmente, a cay na awa y c'un baha mas Minister Croes no por cumpli cu pueblo cu su determinacion pa reduccion di prijs di awa y coriente pa alivia e situacion financiero precario di pueblo.

# Cuminsa integra ilegalnan ya cu falta hopi trahado

No simplemente ignora nan

Durante conferencia di prensa di Plataforma Nos Pais, Otmar Oduber a indica cu mescos cu 12 año pasa, a re-inventa nos turismo, a yega e momento pa re-invente un baha mas. Aruba mester pone atencion urgente na e calidad di nos producto y calidad di nos turismo., pasobra producto Aruba ta bayendo atras, incluyendo e calidad di servicio, mientras cu tin mester di miles di hende pa traha.

Aki Oduber a bin cu un punto sumamente interesante y cu sigur lo mester haya atencion den e Dialogo Nacional proponi pa Plataforma Nos Pais, ta trata di ilegalnan riba Aruba. E ta bisa cu tin alrededor di 12 mil ilegal na Aruba, pero ningun hende kier atende cu e tema aki. E personanan aki ta trahando tur caminda na nos isla na un forma ilegal sin paga AZV, SvB, belasting, sin tin un cuenta di banco.

“Ban cuminsa documenta e hendenan aki, laga nan cuminsa paga y participa. Bin cu reglanan cu por ehempel ta bisa cu ta bay legalisa e 12 mil ilegalnan, pero pa nan por haya nan permiso, durante e prome 3 añanan nan mester pasa un curso di Papiamento, di Ingles y Aruba Certification Program. Ban integra nan den nos comunidad y no simplemente ignora nan”.

E personanan aki tin mas cu 10 año bibando ilegal, nan yiunan a nace na Aruba bayendo scol cu residentenan legal ta pagando y ora nan bira malo e mesun residentenan legal aki ta paga pa nan haya tratamiento medico. Lamentablemente, tin miedo pa atende cu e tema aki.


Mientras tanto tin mester di miles di hende pa traha.

Recientemente tabatin un job fair, pero manera Plataforma Nos Pais ta bisa, esunnan cu ta acudi na esaki ta personanan cu tin trabou caba y ta buscando un miho trabou, pasobra e 12 mil ilegalnan no ta yega pasobra nan tin miedo di yega. “A yega momento cu gobierno mester para den su sapato y bisa ‘nos ta bin cu un ‘pardon regeling.’

Por ehempel, ta bin cu un periodo unda si por demostra cu un persona ta trahando pa bo ilegal, bo ta documenta e persona aki, ta firma p'e y ta burger'e in na Aruba.

Ta dune cursonan, lagu'e siña Papiamento y Ingles como condicion pa e haya su permiso y asina ta yuda solciona e problema di labor cu nos tin na Aruba”, Otmar Oduber a declara.

El a conclui expresando cu ohala e palabranan aki por yega n'e 21 miembronan di Parlamento, pasobra si no atende cu e tema di calidad di nos producto awe, nos lo bay yor'e den futuro.



Na drempel di eleccion

## Tin ‘subasta’ priva pa puestonan halto den aparato di gobierno

Gabinete Wever Croes II ta den crisis ya tin un diferencia asina grandi entre Partido MEP cu partido RAIZ cu ta formando e actual coalicion pero no por spera cu prome cu luna di Maart venidero, lo tin cambio den esaki. Cu tin motibo pa e gobierno aki plama for di otro, ta un “feit” ya cu tin un serie di desaroyonan cu cualquier gobierno serio, gobierno integro y serio, lo a manda e di dos gabinetes di Promer Minister Evelyn Wever Croes cas for di año 2021.

E prome ‘traicion politico’ a tuma luga na momento cu Minister Glenbert Croes di MEP, publicamente a anuncia cu lo firma un acuerdo entre Eagle LNG y WEB Aruba NV, sin pone su partner di coalicion na altura.

E berguensa a bira mas grandi na momento cu partido RAIZ a exigi pa Minister Croes no firma e acuerdo aki, cu e mandatario a informa su partner cu no por haci algo mas, ya cu e ceremonia di firma e acuerdo, ta uno simbolico ya cu el a firma

un acuerdo oficial caba algun luna prome. Eynan a surgi e prome discrepancia entre e dos partidonan aki, un hecho cu tambe tin di haber cu integridad den gobernacion pero debi na e hecho cu apenas RAIZ a drenta gobierno, a opta pa ‘overlook’ e fayo aki y a sigui dilanti. Despues a surgi cantidad di otro situacion, entre cual esun mas serio aña pasa, na momento cu Minister di Medio Ambiente, vice Promer Minister Ursell Arends, a dicidi di bay Corte y entrega keho contra di e Minister cu a firma pa Embassy Suites construi un pida beach net dilanti di e hotel. Hamas den historia politico “mundial” a yega di sosode c’un vice Promer Minister ta hiba su Promer Minister Corte pero na momento cu Minister Arends a ripara e “vupa” cu el a comete, el a retira su demanda pero si despues a bolbe cuestiona su lider di gobierno, ora cu Corte a dicidi cu e decision aki tin cu wordo suspendi.

AWE Mainta cu informacion cerca di personanan yega na ambos partido, a wordo informa na varios ocasion cu caida di Gabinete Wever Croes II lo nota algo a corto plaso pero cu si e ta den tapara caminda dentro di algun luna esaki lo por bira realidad y pa di dos ocasion sigui, pueblo lo tin cu bay urna electoral pa eligi un gobierno nobo.

### SUBASTA

Tin desaroyonan cu ta tumando luga, entre otro caminda tin reglamento di posicionnan pa sostenedonan di partido pero tambe tin manera un tipo di ‘subasta’ pa loke ta algun puesto halto den e aparato gubernamental cu ta ser “anhela” pa tanto varios di e actual ministernan como tambe parlamentarionan.

AWE Mainta a wordo informa di algun di e puestonan aki, caminda tin un anhelo grandi pa e posicion di “Hoofd Inspecteur Onderwijs” cu lo ta vacante pa algun tempo caba y tin un of dos nomber cu ta bayendo rond pero cu no por a ser confirma. Tin varios parlamentario cu ta sostene e actual gobierno, cu tambe ta aspirando un of otro puesto halto, ya cu lo tin duda cu nan lo regresa bek despues di e proximo eleccion, den e Conseho Legislativo.

Aki a ricibi informacion cu entre otro tin funcionnan halto na Instituto di Cultura caminda tambe ta mencionando un nomber, den e departamento di labor tambe lo tin vacatura den posicion halto y a keda menciona tambe un posicion na CBS, esta Centraal Bureau Statiestiek.

No ta algo nobo pero e desaroyo aki ta confirma cu lo tin duda den e propio seno di governo, ki resultado e dos partidonan aki lo logra den elecion di 2025 mirando desaroyonan cu a tuma luga ultimo tempo.



**Buy a  
drill or  
drywall  
while  
playing  
dominoes.**



**Shop for everything  
from anywhere.**

**kooymanbv.com**

Parlamentario independiente mr. Gerlien Croes:

# Colectando na plach'i number pa paga interes di debe firma pa Minister President cu Hulanda

Mas e ciudadano tin cu paga na Departamento di Impuesto, mas atencion ta pone na unda e recursonan aki ta bay y mas critico e ta bira di con ta maneha fondo publico.

Aplicacion di diferente cambio como parti di e Reforma Fiscal, por ehempel, aumento di BBO y BBO na Frontera, ta generando; no di awo, pero for di varios año caba, entrada adicional pa caha di gobierno. Sinembargo, e contribuyente ta wak con servicio publico manera salud y educacion ta costa mas, con infrastructura ta den decadencia, mientras cu corucion den aparato publico ta continua cu impunidad.

Den pasado, parlamentario independiente mr. Gerlien Croes a menciona con Gabinete Wever-Croes I y II a ricibi centenares di miyones di florin extra, y asina mes kier kita mas y mas. Ta hustifica esaki cu e ayudo cu a duna durante pandemia, mientras cu na mesun momento ta gaba con bon economia a bons bek riba nos isla; un ponencia contradictorio.

E siman aki tabata e fecha limite pa pago di plachi di number pa año 2024. Solamente na esunnan cu tabata pendiente pa paga ainda na comienso di siman, esta rond di 70 mil contribuyente, segun Departamento di Impuesto, lo recauda 21 miyon florin.

Esey ta djis un tercer parti di loke Aruba lo mester paga e año aki na Hulanda, solamente pa cubri interes 2024, pasobra esey ta loke Prome Minister Evelyn Wever-Croes a negocia y firma, comprometiendo nos tur 2 luna atras.

“Pueblo ta cuminsa paga e año aki pa su autonomia cu e minister presidente a entrega dia 13 di noviembre 2020 ora el a firma cu Knops,” asina Parlamentario independiente a comenta. Pa despues el a purba nenga di cumpli cu e acuerdo y ora cu no a logra burla e Hulandesnan, at'e dos luna pasa, cu rabo memey su pia, e mester a firma n'e kruisje, pero e biaha aki na un interes mas halto (6.9%) como straf di su incumplimento. Sinembargo e straf ey no ta pa Wever-Croes carga, si no pa henter pueblo di Aruba paga pa su tactica cu a faya.

Parlamentario Croes ta cuestiona con esaki no ta preocupa ni Wever-Croes ni ningun miembro di su gabinete of miembros di coalicion den Parlamento cu ta sigui para tras di e mal maneho financiero di Pais Aruba.



**Jolley Holding Aruba**  
V.B.A.

## VACATURE All-round Administrateur

Voor één van onze bedrijven in de retail, welke onderdeel is van de Jolley Holding Groep.

De kandidaat moet op korte termijn beschikbaar zijn.

### Kenmerken van deze functie:

U bent zelfstandig verantwoordelijk voor de gehele administratie van deze nieuwe werkmaatschappij, waarbij U direct rapporteert aan de Directie.

Het assisteren bij winkelverkoop en klanten, verzorgen van tijdige periodieke afsluitingen en het verwerken van financiële transacties. Het analyseren van resultaten en maken van grootboekspecificaties.

### Kennis niveau:

SPD opleiding werk- en denkniveau; ervaring met EXACT boekhoudsysteem gewenst; verder is omgang met diverse computer & software systemen, Excel spreadsheets e.d. gevraagd.

U bent een stressbestendige en resultaatgerichte teamspeler met uitstekende sociale en communicatieve vaardigheden, die goed prioriteiten kan stellen. Verder heeft U goede kennis van de Nederlandse en Engelse taal in woord en geschrift.

### Wij bieden:

Salarisniveau afgestemd op de zwaarte van deze functie met eventueel doorgroei mogelijkheden. Goede secundaire arbeidsvooraarden.

### Interesse?

Stuur voor 7 februari 2024 uw curriculum vitae met begeleidend schrijven naar Jolley Holding V.B.A., Croesstraat 3 of via e-mail naar: [hrm@jolleyholding.com](mailto:hrm@jolleyholding.com).

Alle sollicitaties zullen strikt vertrouwelijk worden behandeld.

## Minister di Salud Publico a reuni cu representanten di SER

P'asina por conseha riba e topico di prevencion di obesidad



Diahuebs mainta Minister di Turismo y Salud Publico sr. Dangui Oduber a reuni cu Dhr. drs. Felix Bijlhout, Algemeen Secretaris di De Sociaal Economische Raad (SER) y tambe cu Dhr. Norberto Rodrigues MPP, Beleidsadviseur di SER.

Un reunion unda SER a entrega un rapport na Ministerio di Salud Publico pa asina nan por conseha ariba diferente asuntonan importante manera obesidad na Aruba. Un bon reunion unda a elabora ariba diferente topiconan manera; preocupacion di e aumento di obesidad den nos comunidad y avisa pa pone medidanan mas severo, inversion den conscientisacion pa

**TARA LOUNGE**  
by Elements RESTAURANT

**SUNDAY BRUNCH**

\$55 PER PERSON | CHAMPAGNE INCLUDED  
11:30 AM - 3 PM | ADULTS ONLY | CASHLESS  
AC INDOOR & OUTDOOR SEATING  
RESERVATIONS REQUIRED  
elementsaruba.com | +297 583-1100 ext 3



muchanan na scol, mas cantina saludabel na scolnan y prevencion di sucu excesivo y pone ilustra kico ta cumindanan mas y menos saludabel.

Minister Dangui Oduber ta indica cu reunionnan asina ta importante pa evalua e rapportnan, notas y conseho tocante e cuido y salud di nos comunidad, pa asina por implementa cambio positivo den e manera cu nos ta come y move. E vision di Minister Oduber ta pa tin un comunidad saludabel y pa traha hunto cu diferente organizacionnan pa asina por combati obesidad na Aruba.

Minister Oduber ta expresa su gratitud pe bishita di e representanten di SER y ta spera cu pronto por anuncia cambio nan positivo den comunidad y asina yuda mas hende posibel cu ta luchando cu obesidad.

# Weekly SPECIALS




WAS 24.99	15.99 Per KG	WAS 17.49	12.99 Per KG	WAS 17.49	14.49 Per KG	WAS 14.90	12.90 Per KG
Flanksteak		Pork Belly Slices		Sweet & Sour Chicken		Potato Salad	

WAS 4.50	3.49 Piece	WAS 6.19	4.99 Each	WAS 4.30	3.99 Each	WAS 3.59	2.69 Each	WAS 5.89	4.99 Each
Red Velvet Cake		Sunny Delight Tangy Original 64oz		Kühne Kruidenazijn Salata 750gr		Suree Coconut Milk 400ml		Kraft BBQ Sauce Original 18oz	

DAIRY/FROZEN	HBC/GM	DELI/BAKERY
WAS 3.39  Arla Skimmed Milk 0.3% 1L WAS 9.49  Gwoon Ice Macs Amandel 6st	WAS 23.59  Nivea Body Lotion Enrich 16.9oz WAS 8.09  Gwoon Toilet Papier 2 loops 12st	WAS 2.79  Colby Jack Cheese WAS 3.79  Oven Roasted White Turkey Breast



## DRY FOOD

WAS 6.59  EE Olive Salad Chopped 10oz	WAS 5.39  Goodburry Asparagus Medium Large 800gr	WAS 4.29  Fish Sauce Top Kitchen 750ml	WAS 5.49  Argo Corn Starch 16oz	WAS 24.99  Goodburry Olive Oil 100% 1L
15.99 Each	4.39 Each	3.79 Each	4.49 Each	21.99 Each

**SUPER  
Do it Center.**

VALID FROM  
02 FEB - 08 FEB 2024  
and while supplies last

# Na Morgenster un Intenta di horta auto ta trece un shock den e comunidad



**BELGA STAR**  
IMPORTED PREMIUM LAGER

**f 54.50**  
Special Price

**2 Y 3 FEB '24**

\*Promocion ta valido riba fecha menciona y tanten cu tin den stock.

**SUPER Doit Center**

Aruba, conoci pa su paisahenan sereno y su ambiente pacifico, sinembargo ayera nochia tuma luga un intento di ladronicia di auto. Esaki a tuma luga na loke tabata wordo considera un area sigura na Morgenster. E agresornan a ataca dos vehiculo, entre nan un Toyota Yaris, den un incidente cu a laga e comunidad cu man na cabes.

Na un momento inespera, e Toyota Yaris a bira enfoke di e delincuentenan, cu despues cu nan a drenta e auto, nan a kibra e tapa di plastic bou di e stuur. Sinembargo, e aparatonan di seguridad di e auto, incluyendo un killswitch, a stroba nan intento start e motor, evitando cu e ladronicia a sigui escala.

Loke ta agrega un nivel di preocupacion ta e luga di e incidente - un area cu ta rondona pa un compania di huur auto, dos school apartamentonan y hotelnan. E accionnan balente di e agresornan a keda graba pa varios camara di vigilancia, cu por duna e polis un bentaha vital den nan investigacion.

Den un post reciente riba Facebook di polis di Aruba, nan ta urgi doñonan di auto pa mehora e seguridad di nan vehiculonan door di para den areanan bon ilumina, activa alarmanan di auto, y pa corda lock e porta di nan auto.

E fenomeno straño aki a pone e comunidad di Aruba, den un situacion di desorden. A pesar di e poco frecuencia, polis ta sigura cu nan ta trata e casonan asina cu seriedad.




# INSTA CASH



## Con pa gana?

- 1** Combina 3 simbolo ganado den cualquier liña vertical, horizontal or diagonal
- 2** Gana e premio indica den e liña

Ejemplo di simbolo ganado



# GANÁ TE CU AFL. 2.000 DI BIABA!



[www.lottoaruba.com](http://www.lottoaruba.com)



## CMO a entrega Veiligheidsplan Aruba Carnaval 2024 na Prome Minister

Diamars 30 di januari Crisis Management Office (CMO) a haci entrega di e Veiligheidsplan Aruba Carnaval 2024 (Plan di Siguridad di Aruba su Carnaval) na Prome Minister Evelyn Wever-Croes.

Pa prome baha Aruba tin un Veiligheidsplan Aruba Carnaval. Esaki a wordo traha door di CMO hundo cu SMAC caminda tur grupo di carnaval a participa. Den a plan ta stipula e palabacionnan haci riba diferente aspecto di siguridad pa tur carnavalista. Cada lider di e gruponan a reuni individualmente cu CMO y a firma e palabacionnan y asina garantisa e siguridad di participanten y tur esnan cu ta contribui cu carnaval.

Minister President a expresa di ta contento di por wak cu tin palabacionnan haci riba e tema di decibell. Akinan a palabra con halto e zonido di e bandanan por ta den paradanan di carnaval. Pa paradanan di mucha e maximo ta 90db y e muchanan mester ta 7 meter leu di e speaker y mester tin earplugs bistri. Tanto Gobierno como CMO ta di opinion cu mester protege muchanan di dañonan permanente na nan oido y na nan salud. Pa loke ta trata adultonan cu ta participa den un forma boluntario y ta responsabel pa nan propio actonan, e maximo ta 120db.

CMO ta haci control durante tur parada a base di e palabacionnan di e Veiligheidsplan y por bisa cu te awor practicamente tur banda a tene nan mes n'e maximo di e sonido y durante parada di mucha 95% a uza earplugs.


Prome Minister a felicita CMO, KPA, SMAC, DTI y gruponan cu a forma parti di e plan aki y a cumpli cu ne. E intencion ta pa durante tres aña traha cu e plan aki pa tur evento publico, di



mas di 2000 hende y despues adapta unda mester y finaliza e plan.

Aparte di esaki durante paradanan CMO a pone un "hospital on the field" cu ta pa duna asistencia na tur cu ta participa y acudi n'e carnaval y asina por alivia nos Hospital Horacio Oduber y nan por sigui cu nan asistencia normal.

"Cu esaki Aruba un bes mas ta duna ehempel den nos region di con ta atende cu siguridad di su ciudadanonan durante eventonan grandi. Y ya drentando simannan final di nos carnaval, Gobierno y CMO ta urgi tur banda y grupo pa cumpli cu palabacionnan haci y pone interes di nos carnavalistanan na prome luga", Prome Minister Evelyn Wever-Croes a remarca.



### Bin bishita nos y probecha!

Paña di bon calidad na bon prijs.

Adres: Avenida Millo J. Croes 47 local 3  
Telefon: 5646733 - 5653466  
E-mail: info@carlymar.com



## Transformer a explota y causa candela



**D**iahuebs atardi pasa di 6'or Brandweer a sali poco pura direcccion Westpunt den e area di Esmeralda pa un candela. Locual a sosode ta cu un transformer di Elmar lo a "explota". Esaki a causa cu un mondi a pega candela y algun habitante lo a pensa cu esaki lo por a yega un cas cerca, pero esaki no a bira e caso. Den un rato Brandweer a dominda e candela di yerba, y a pone Elmar y tambe WEB na altura debi cu un meter di awa a sufri daño.

## Auto procedente di ladronicia envolvi den accidente



**D**iaranson den oranan di atardi polis a bay ariba de caminda parti paden di Pos Chikito pa un accidente di trafico. Na yegada agentenan a comprende cu un di e partidonan lo a move rapidamente for di e sitio, mientras cu den e otro auto tin un persona herida. E vehiculonan envolvi tawata un Toyota Corolla y un Chevrolet mini Van, e Van a resulta di ta procedente di ladronicia o sea e auto ta horta. Polis di trafico a yega e sitio pa tuma datos y tambe por a mira cu e Rapidresponder di Imsan a presenta pa controla e persona herida den e Corolla.



## EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 9 februari 2024 om 10:00 uur 's-morgens in het Auditorium van de Kamer van Koophandel te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

een woonhuis, plaatselijk bekend als

## PALO DI BOONCHISTRAAT 3

staande op het recht van erfpacht tot 16 augustus 2042 op een perceel domeingrond groot 863 m<sup>2</sup> gelegen te Ponton in Aruba, kadastraal bekend als Eerste Afdeling Sectie E nummer 850.

**Richtprijs: Afl. 500.000,-**

Iedere bidder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

Op de veiling zijn van toepassing de Algemene Veilingvoorraarden voor Executieveilingen (AVVE) en de Bijzondere Veilingvoorraarden zoals vastgesteld door notaris mr. Chamila Agnella Tromp.

**Voor vragen of meer informatie kunt u een email sturen naar [auction@newleafaruba.com](mailto:auction@newleafaruba.com) of de volgende website bezoeken:**

[www.newleafaruba.com](http://www.newleafaruba.com)



## Mirrors Beauty Academy ta ofrece e siguiente servicionan

Laba  
Corta  
Blowdry  
Keratina  
Cold Wax

Tinja  
Highlights / Mechitas  
Ombre / Californiana  
Bayalage  
Peinado

Makeup  
Threading  
Barberia  
Manicure  
Pedicure

Y  
mucho  
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Vandalismo ta golpia Wichita

## Ta haya iconico estatua di Jackie Robinson kima y destrosa

Den un impactante acto di vandalismo, un estatua di brons na honor di Jackie Robinson, e Afromericano pionero cu a kibra e barera di colo den baseball di Grandes Ligas, a wordo descubri kima y na pida despues di a wordo hora for di un veld di baseball di Little League na Wichita, Kansas. E estatua, lanta na 2021 pa League 42, un liga di baseball hubenil cu ta carga nomber di e number di jersey di Robinson, a aparece mutila, cu e mita abao corta y bondona den un bari di sushi di Garvey Park diamars mainta.

E robo bergonsoso, cu a tuma luga diahuebs marduga, a provoca rabia y consternacion di henter e comunidad di Wichita. Robinson, un figura venerada en e ciudad, ta simbolisa speransa y



inspiracion, loke ta converti e estatua den un representacion emocional di e superacion di e bareranan racial. Polis ta investigando activamente e inci-

dente, pero ainda no a efectua ningun detencion.

Liga 42, cu a financia e estatua di 50 mil dollar, mediante donacion di e comunidad, a expresa nan profundo decepcion p'e perdida. Bob Lutz, director ejecutivo di League 42, a declara: "E robo di e estatua aki no solamente ta un delito contra un obra di arte. E ta un crimen contra nos comunidad y contra e balornan di igualdad y husticia cu Jackie Robinson tabata encarna." Lutz a confirma cu e liga ta colaborando cu e ciudad pa substitui e estatua, irreparablemente daña.

E profanacion di e estatua di Jackie Robinson ta un recordatorio duro di e lucha constante pa husticia racial na Merca. E logronan pionero di Robinson no solamente a transforma e panorama di baseball, sino cu tambe tabatin un impacto profundo di e normanan social. E destruccion di su estatua ta subraya e imperativo di sigui esforsa pa logra un igualdad autentico y husticia contra adversidad.



## SIGN UP NOW


VIA STIMAMI STERILISAMI'S WEBSITE &  
SAVE UP TO 45% OFF YOUR PET'S  
STERILIZATION COSTS PLUS GET A FREE  
MICROCHIP!

45%  
OFF

FREE  
MICROCHIP



# Homber fo'i Pennsylvania acusa di a mata su tata despues di a mustra su 'cabes decapita' riba YouTube



Den un cambio horibel di suceso, Justin Mohn, di 32 aña, fo'i Pennsylvania, a wordo acusa di asesinato di prome grado y abuso di un curpa despues di a mata su tata y mustra su cabes decapita den un video riba YouTube. For di e momento ey, e contenido perturbador a wordo elimina pa motibo di su naturalesa grafico y e violacion di e normanan di YouTube.

E mugshot (potret di polis) di Mohn soniente a keda publica ora cu autoridad a detaya e crimen horibel cu a tuma luga na Bucks County diaranson anochi. Polis a descubri e curpa decapita di e tata den e baño di su cas.

E video riba YouTube a mustra Mohn bistiendo un handschoen y mustra cabes di su tata corta den un saco di plastic. Sorprendentemente, por a mira e cabes despues poni den un pot. Mohn a uza e plataforma pa denuncia su tata como traidor, citando e mandato di e difunto como empleado di gobierno Mericano pa hopi tempo. Despues el a pidi pa tur funcionario federal muri.

E reportahenan ta ilustra cu Mohn a adopta e teorianan di conspiracion derechista durante e video di 14 minuut.

YouTube a kita e contenido rapidamente, citando su normanan contra violencia grafico y extremismo violento.

Autoridad ta investigando e video activamente pa determina e motibo tras di e acto horibel aki. Mohn, conoci pa su actividad riba medio social caminda e tabata promove su musica autoedita y su bukinan di ciencia ficcion distopico, a wordo arresta mas of menos 100 miya di distancia na Fort Indiantown Gap, Pennsylvania.

Capitan Pete Feeney, di e Departamento di Polis di Middletown Township, a expresa su alivio p'e detencion di Mohn y a declara: "Nos no tabata sa unda e tabata bay ni su intencion ora el a bay fo'i dj'aki. Afortunadamente, nos tin un ubicacion (location) basa riba bo telefon celular."

Mohn ta enfrenta cargo adicional, incluyendo posesion intencional di un instrumento criminal. A nenga su libertad riba fiansa y ta programa un audiencia pa dia 8 di februari. E comunidad ta spera mas detaye di e incidente tragico y impactante aki cu a laga hopi ta cuestiona e limitenan di contenido online y e impacto potencial di ideologia extremista.

CEOan di Meta, TikTok y X cu batata cayente

# Senado ta interoga e gigantenan di red social riba explotacion sexual infantil



Den un acontecimiento crucial, e CEOan di e principal rednan social y plataforma di mensaheria a enfrenta di aranson e intenso scrutinio di e senadornan Mericano pa nan incapacidad pa proteha mucha adecuadamente di e depredadornan sexual riba nan respectivo plataformanan. E audiencia, caminda e hefenan di Meta, TikTok y X a participa, a pone enfasis riba e urgencia cu Congreso aproba rápidamente ley cu ta atende e preocupacion creciente p'e seguridad di e muchanan riba red social.

E legisladonan a expresa nan mal contento cu e esfuerzo di e gigantenan tecnologico, acusando nan pa duna prioridad na beneficio riba e bienestar di e muchanan y exigiendo medida concreto pa garantisa un ambiente online mas seguro p'e hobennan usuario.

E audiencia aki ta representa e ultimo esfuerzo di Congreso pa responde n'e inkietud di mayor y experto den salud mental, cu ta sostene cu e empresan di red social no a duna prioridad n'e seguridad di e muchanan riba nan plataforma. E impulso di medida legislativo ta subraya e creciente consenso entre e legisladonan cu ta necesario un actuacion inmediato pa atende e riesgonan asocia n'e plataformanan

online.

E interrogacion di e senadornan a profundisa riba cuestion di explotacion sexual infantil, indicando n'e CEOan na asumi nan responsabilidad y aplica medida severo pa salvaguardia e usuarionan, en particular e menornan, di comportacion depredador. E atencion duna nan Meta, TikTok y X ta subraya e preocupacion generalisa p'e daño potencial cu e plataformanan aki por causa si no aplica e medidanan adecua.

E audiencia a desaroya den e contexto di un examen mas amplio di e practicanan di e rednan social, caminda cu Mark Zuckerberg, di Facebook, a declara recientemente dilanti e Comite Hudicial di Senado riba e esfuersonan di Facebook pa combati e explotacion infantil y incitacion na odio.

Mientras cu e atencion legislativo ta intensifica, e industria tecnologico ta enfrenta un presion cada baha mayor pa atende di forma proactivo e problemanan di seguridad infantil. E resultado di e audiencianan aki por influencia significativamente den reglamentonan futuro y medida legislativo destina na proteha e usuarionan vulnerabel di e menasan online.

# Director di Destiny 2 a retira di Bungie despues di a conclui expansion di “The Final Shape”



Den un sorprendente buelta di acontecimiento, director di e wega Destiny 2, Joe Blackburn, a anuncia su salida for di Bungie, e desaroyado conoci tras di e exitoso multiplayer game online.

Blackburn, cu tabata parti integrante di Bungie durante mas di un decada, a comparti e noticia a traves di un serie di tweet emocional.

Blackburn a expresa e dificultad di su decision, pero a transmiti su entusiasmo pa explora oportunidad nobo. El a tuma un momento pa gradici Bungie p'e oportunidad di contribui n'e saga Destiny 2 y a duna danki n'e comunidad apasiona di hungado pa nan sosten incondicional.

Memey di e speculacionnan riba e dificultadnan financiero di Bungie, despues di e retironan di 2023, e studio a reitera su compromiso cu e futuro di Destiny 2. E salida di Blackburn a

tuma luga na un momento crucial p'e compania, pero Bungie ta sigui ta optimista riba e trayectorio di e wega.

E riendanan di e destino di Destiny 2 lo pasa awo den man di Tyson Green, un veterano di Bungie cu mas di dos decada di experiencia den e studio. Green, conoci pa su trabao den titulo emblematico manera Halo y e entreganan anterior di Destiny, ta asumi e funcion di director di wega ora cu Blackburn conclui su mandato.

E salida di Blackburn ta cuadra cu e inminente lansamento di Destiny 2: The Final Shape, e siguiente expansion cu lo cera e storia actual. E director di wega lo keda abordo te na finalisacion di “End-to-End playtest” di e expansion tan spera.

Aunke Blackburn ainda no a revela cua lo ta su proximo paso profesional, e comunidad di Destiny 2 ta keda curioso p'e trayectorio futuro di wega bao di un liderazgo nobo. Mientras Bungie ta confronta e transicion aki, e fanaticonan ta spera cu impaciencia noticia riba e sucesor di Blackburn y loke ta spera e frankicia stima aki.

Instituto di calidad ta informa

## Tur organisacion den cuido mester registra anualmente

**S**egun e registro di proveedornan di cuido medico (AB 2022 no. 79), tur practica di cuido medico, clinica, empreza, etc. mester registra anualmente den e registro di dunado di cuido medico. E reinscripcion ainda no a drenta na vigor, pasobra segun vision di Minister di Turismo y Salud Publico, prome a ofrece e proveedonan di salud e oportunidad pa registra y pasa door di e proceso nobo na un manera adecua.

Awor ta tempo pa cumpli cu e obligacion legal. E registro di proveedornan di cuido medico ta un implementacion di art. 2 inciso 4 di Ordenansa nacional tocante calidad den cuido medico. E ta rekeri cu e ta registra como dunado di cuido medico y cu e ta cumpli cu condicionnan specifico pa ta y keda registra.

Den practica real, e condicionnan aki finalmente a bira cla pa tur partido. Entre otro, e mester tin un procedura di keho tambe, ta afilia na un comision di keho cu un presidente independiente. E presidente aki por no tin un relacion cu su practica/institucion.

For di 1 di februari 2024 esaki ta nifica cu organizacionnan cu no tin nan registro den ordo no por registra un dunado di cuido medico pa traha cerca nan. E proveedornan di cuido medico cu no a registra ainda tambe lo obliga a Instituto di Calidad pa notifica IVA pa motibo di un violacion di ley.


Tur proveedor di cuido medico registra for di 2023 mester registra nan mes atrobe.

E reinscripcion mes lo drenta na vigor dia 31 di maart 2024 y esaki ta implica manda un e-mail na josue.kelly@dvg.aw, ingrid.croes@dvg.aw, of kwaliteitsinstituut@dvg.aw cu e siguiente documentonan:

*1. Un bista general si tabatin un cambio den e siguiente puntonan durante e ultimo año:*

- a. e entidad Huridico (nomber di e organizacion / forma Huridico) ;
- b. e bestuur, director(nan), accionista, zorgmanagernan cu copia di nan ID y registracion di Censo.
- c. permiso di establecimiento (pa extension/otro servicio).
- d. permiso di director of permiso di trabou i residencia, si ta necesario.
- e. procedura di keho, si e procedura of e comision a cambia.

*2. Polisa di seguro y cobertura (Na Afl.) di seguro di responsabilidad profesional pa bo persona (empresa/un persona/asociacion) y e cuidadonan cu ta traha den bo organizacion.*



*3. Manpowerplan pa e año aki.*

*4. Un informe anual di calidad cu normalmente lo a entrega na IVA (2023).*

*5. Un lista completo di verificacion di si (inda) ta cumpli cu e rekisitonan di calidad di Ordenansa Nashonal di calidad Di Cuido Medico (AB 2014 no. 74), manda e 'formulario di reinscripcion di proveedornan di cuido medico ' completo y firma.*

### Consecuencia

Si e organizacion no a duna un prueba valido di cumplimento y bolbe registra, e lo haya un anotacion den e registro. Esaki ta nifica cu e ta recibi un carta di e minister responsable pa e no- cumplimento cu e rekisitonan. Inspeccion Di Salud Publico (IVA) y UO AZV lo ricibi copia di e carta. Nos kier enfatisa cu un registro valido como proveedor di cuido medico ta crucial pa garantisa confiansa di pashentnan y partido nan interesa den cuido di calidad halto. Si bo tin un pregunta tocante e procedura di registracion of e documento nan necesario, no duda di tuma contacto cu nos personal di registracion. Nos ta cla pa yuda y cumpli cu tur e rekisitonan.

Nos ta confia cu lo tuma e asunto aki na serio y duna e documentonan rekeri na tempo. Hunto nos por contribui na un sistema di salud di calidad halto cu ta cumpli cu e standardnan di calidad mas halto.

Bo yiu ta cla pa cuminsa kleuter?

## Inscripcion ta habri na SKOA y cuponan ta limita

Inscripcion ta habri pa tur mucha cu ta bay haci 4 den aña 2024. Mayornan cu ta desea pa nan yiunan bay un kleuter di SKOA por cuminsa cu e proceso di inscripcion pa asina sigura nan luga p'e aña escolar venidero. Mayornan por scoge di diferente kleuter cu ta resorta bou di SKOA. Pa haya mas informacion di tur e scolnan di kleuter por bishita [www.skoaw](http://www.skoaw).

### Con bo por inscribi na SKOA?

Por inscribi via nos website [www.skoaw](http://www.skoaw) completamente online. Por inscribi via e-mail door di manda SKOA un e-mail na [aplicacion@skoa.aw](mailto:aplicacion@skoa.aw). Por inscribi via WhatsApp door di manda un mensaje directo na +297 7485995 y sigui e proceso pa completa e inscripcion. Pa mayornan cu ya caba tin yiu inscribi na SKOA por haci inscripcion di e yiu cu tin cu cuminsa kleuter via nos sistema di SAS. Ora di inscribi mester pone bon atencion arriba e documentonan cu ta necesario pa asina por cumpli cu e proceso di inscripcion di bo yiu.

Mayornan cu inscribi nan yiu ta haya un periodo di 6 siman pa asina por cumpli cu e prome pago of pago completo di schoolgeld p'e aña escolar venidero. Despues di 2 siman, si e pago no a wordo completa, e cupo di inscripcion ta wordo cancela cu consecuencia cu no lo bay tin un luga sigura p'e yiu cuminsa kleuter e proximo aña escolar.

No tarda pa inscribi bo yiu n'e scol di bo escogencia paso



cuponan ta limita. Pa mas informacion tocante inscripcion na SKOA por bishita nos website [www.skoaw](http://www.skoaw) of por yama na liña directo 5231800.

**Violet Spa**

**Servicios a Domicilio**

- Masajes Anti-Estres y Relajantes
- Masajes Terapéuticos
- Reflexología Podal
- Detox Lónico

+297-740-5235

Ubicación bajo demanda

**Masaje Reductor**

Masajes reductores contiene:

- Aparatología Combinada
- Manta Térmica
- Maderoterapia
- Drenaje Linfático

**Moldeo de Figura**

con cierre de costilla y reloj de arena

BEAUTY & SPA

# Descubriendo e Bidanan Secreto di Cabaron

For di un [reporte publica](#) recientemente a resulta cu Caribe Hulandes ta hospeda 46 especie di cabaron Palaemonidae, di cualnan a registra 24 pa prome biahna un of mas di e islanan. E estudio ta revela descubrimiento di un especie nobo pa ciencia. E cabaronnan aki ta hunga un rol fundamental den mantencion di rif di coral saludabel, haciendo e necesidad pa profundisa nos compresion di e habitantenan chikito aki mas importante cu nunca.

Cabaron Palaemonidae ta habitantenan vital di e awanan di costa tropical y e rifnan di coral, conoci pa nan relacionnan cu diferente invertebrado, desde coral te cocolishi di lama. A traves di e relacionnan aki, cabaron ta contribui na salud y diversidad di e rifnan di coral door di haci funcion ecologico esencial manera limpresa, proteccion y incluso posibel ciclo di nutriente. Comprondiendo e matiznan di e interaccionnan aki no solamente ta profundisa nos aprecio di e complehidat di bida marino, pero tambe ta subraya e importancia di preserva e ecosistemanan aki, ya cu alteracion den e relacionnan aki por tin efectonan cu ta escala riba salud general di ambiente di e rifnan di coral.

A pesar di un historia largo di investigacion, expedicionnan di tereno recien a trece na cla un gran cantidad di informacion nobo tocante e especie aki den Caribe Hulandes. Combinando dato di fieldwork, investigacion di e especienan den Naturalis Biodiversity Center y literatura, e investigadonan a compila un lista amplio di 46 especie di Palaemonidae pa Caribe Hulandes.

## Resultadonan clave

Especienan nobo: E estudio ta revela descubrimiento di un especie nobo pa ciencia, loke ta subraya e importancia di exploracion continuo pa compronde henter e spectrum di biodiversidad den Caribe Hulandes.

Registronan pa di prome biahna: Di e 46 especienan cu a keda registra, 24 a keda registra pa prome biahna un of mas di e islanan di Caribe Hulandes. Esaki ta enfatisa e necesidad di realisa investigacion continuo pa descubri e diversidad cu por a pasa por alto anteriormente.

Asociacion di huesped: E investigacion ta destaca 60 asociacion nobo di huesped, treciendo na claridad e relacionnan ecologico compleho entre e cabaronnan aki y nan huespednan invertebrado. E red intrinca di asociacion di huesped entre e cabaronnan y e invertebradonan di rif di coral ta hunga un rol crucial den e ekilibrio delicado di e ecosistemanan marino.

## Importancia a pesar di e desafionan ambiental

Den e contexto di menasa pa crecimiento di poblacion pa e rifnan di coral y e crecimiento di presion antropogenico, documentacion di e diversidad di Palaemonidae y otro especienan



di rif di coral ta bira primordial. E descubrimentonan di estudio ta proporciona dato di referencia esencial cu por sirbi como referencia crucial pa e esfuersonan di monitoreo y conservacion den Caribe Hulandes.

Revelando e diversidad scondi di e cabaronnan aki den Caribe Hulandes, e investigacion ta contribui significativamente na nos compresion di biodiversidad marino di e region. E descubrimentonan ta subraya e urgencia di continua cu e esfuersonan di exploracion, conservacion y monitoreo pa salvaguarda e ecosistemanan unico aki pa e futuro generacionnan.

*Credito di potret: Charles Fransen, tur derecho reserva.*

# Minister Maduro tabata presente n'e eleccion di Reina y Prins y Pancho di Club Kibrahacha

Un eleccion unda cu color, creatividad y spontanidad di nos grandinan a briya



A yera durante dia a tuma luga e eleccion di Reina y Prins y Pancho di Club Kibrahacha. Tabata un mainta sumamente bunita, yena cu color, creatividad y spontanidad di nos grandinan. Durante e mainta aki, Minister Xiomara Maduro di Cultura tabata tin e honor pa corona e Reinanan y Prins y Pancho di Club Kibrahacha pa 2024.

Reina di Club Kibrahacha pa 2024 a keda den persona di Sra. Margo Scheper-Quijada. Miho presentacion a bay pa Sra. Maria Hendrika Croes, miho costume a keda den persona di Sra. Edselyn Servanie, miho mensahe a bay pa Sra. Judith Fun, mas popular tabata Sra. Elvia Croes y e reina cu mas carisma a bay pa Sra. Juliet Pillai. Prins di Club Kibrahacha 2024 a keda den persona di Yrvng Eckmeyer y Pancho di Club Kibrahacha pa 2024 a keda den persona di Jacinto Kelly.

Aparte di e Reinanan y Prins y Pancho, tabata tin presentacion tambe di costume durante e elecion aki. E miho costume di Club Kibrahacha 2024 tabata di Sra. Arinda Jacobs. Premio pa costume mas creativo a bay pa Sra. Azucena Henricus, premio pa costume mas luhoso a bay pa Sra. Jacenta Geerman y premio costume mas colorido pa Sra. Rosa Allee.

Minister Xiomara Maduro ta manda un palabra di pabien pa tur e gandan di e dia di awe y tambe e team completo cu a haci esaki posibel y ta gradici Club Kibrahacha pa e invitacion pa presencia un bunita evento y di a permiti'e comparti un rato ameno cu nos grandinan.

Parlamentario Marco Berlis (MEP):

# Adultonan merece di tin mas oportunidad pa por sigui y caba un estudio riba nivel HBO online

No ta tur hende na Aruba a haya un oportunidad pa por caba un studio MBO, HBO of WO durante nan hubentud. Hopi baha ora un persona ta hoben e no sa ainda kico exactamente e kier bira como profesional. Tin baha pa falta di sosten di famia, pa falta di informacion, pa falta di oportunidad, pa cualquier motibo cu por ta, hopi adulto awendia no tin un MBO of HBO diploma. Papiando den pueblo, mi ta wak cu tin un deseo ferviente den hopi adulto pa por conecta cu un estudio MBO of HBO online, cu ta duna nan e flexibilidad den orario, tempo, y gasto.

## Segun CBS, 92% di pobresa na Aruba ta pa via di educacion

Den un reunion di comision di finansa recientemente CBS a duna informacion kico tur ta defini e bestaansminimum y algun otro aspecto di pobresa. Den e reunion aki CBS a splica cu e falta di educacion di nos pueblo riba nivel di MBO y HBO ta 92% di e causa di pobresa. Naturalmente ora un persona ta bon studia esaki ta posicion'e pa por funciona den un trabao cu un pago hopi mas halto cu esnan cu no tin mucho educacion, consecuentemente subiendo su calidad di trabao.

## Gobierno mester haci mas pa adulto y hoben adultonan cu kier sigui studia

Aunke gobierno ta afilia cu algun universidadnan den exterior y tambe Hulanda, esaki por ta hopi caro y no accesibel pa e pueblo en general. Tin varios website di universidadnan Hulandes por ehempel cu ta hopi mas flexibel y accesibel



pa nos pueblo. Ademas, e universidadnan aki ta hopi mas accesibel financieramente, den nan duracion y orario di studio. Buscando informacion riba e programanan existente na departamento di educacion, mi a constata cu hopi mas mester por wordo haci riba e tema aki.

## Preguntanan lansa oficialmente via Parlamento pa Minister Endy Croes

Pa via di e reto grandi aki pa mehora nos sistema di educacion pa esnan adulto y hoben adulto por sigui studia, mi a manda algun pregunta pa Minister Endy Croes riba e tema:

Minister por a informa Parlamento si ta trahando riba un sistema di scol cu lo por brinda oportunidad na adulto y hobennan por continua nan studio riba nivelnan di HBO y MBO en conexion cu universidadnan di Hulanda of otro paisnan?

CBS a duna un presentacion den comision di finansa, cual ta muestra cu Aruba su motibo principal di pobresa ta conecta cu e falta di educacion avansa den nos pueblo. Ki vision minister tin pa subi e cantidad di profesionalnan studia cu HBO y WO aki na Aruba?

Minister mi ta na altura cu departamento di educacion ta trahando cu un universidad online di Hulanda, sinembargo esaki ta hopi caro. Ki otro posibilidad tin, cu ta mas accesibel pa e cartera di nos pueblo, pa nan por sigui studia y haal nan MBO/HBO diploma?

Esakinan ta algun di e preguntanan pa Minister Endy Croes contesta riba e reto di pa adultonan pa sigui studia pa un MBO/HBO of WO. Manera mi haya e contestacion di minister mi lo sigui informa pueblo.

e Poder den Mi

MENSAJE DI DIA  
2 februari 2024

**AMI TA**

Unico y mi ta comprende  
cu esaki ta añadi na  
e rikesa di mi caracter.

e Poder den Mi

# Arubaverse 2.0 dialogando riba tema di Foreign Exchange, Crypto Trading y mas



**A**rubaverse 2.0, organisa pa e unidad di Exprodesk di DE-ACI, ta ofrece diferente tayer interesante riba diferente topico di tecnologia digital moderno. Diaranson 31 di januari a tuma luga e di cuater (4) tayer, caminda a focus pa capacita e publico den e mundo compleho di mercado financiero (“trading”), incluyendo Stocks, Forex, Binary Options, y Crypto Currency (criptomoneda).

Exprodesk a colabora cu ITFM Global FX y Elite Trading Academy Aruba. Ta mira oportunidadnan pa desaroyo personal y profesional, unda e habitantenan di San Nicolas y di Aruba por probecha di e oportunidadnan cu e mercado financiero mundial ta ofrece. Sin embargo, esaki ta bini cu su set di desafionan y riesgonan.

Ta vital pa nos publico ta bon informa tocante e riesgonan asocia cu inversion, particularmente den area manera Forex, Binary Options y Cryptocurrency. Na banda di fluctuacion di balor, tambe ta enfrenta un enemigo cu ta constantemente ta modifica su strategia – e “Scammers”. P’esei, ta importante pa nos pueblo ta arma cu e conocemento necesario pa identifica y evita intentonan pa estafa nan.

Ademas, a trata e tema di ‘market makers’, e psicologia y control emocional den comercio, y e rasonnan pakico comerciantenan frecuentemente ta perde placa den e mercado financiero; ta aspectonan crucial cu mester enfatisa den nos programanan educativo. Tambe ta pone un enfasis fuerte riba prueba y transparencia pa sigura cu cada participante den ArubaVerse 2.0 y mas aya, ta actua den un manera responsabel y etico.

“ArubaVerse 2.0 no ta solamente ta un paso adelante pa

San Nicolas y Aruba, pero tambe un paso pa un futuro di conocemento pa nos pueblo. Nos ta mira e oportunidadnan grandi, pero tambe nos ta consciente di e desafionan cu ta presenta, y ta agradecido pa e colaboracion cu e diferente stakeholders riba e topico”, minister Geoffrey Wever ta opina.

**APPAREL**

**BOAT ACCESSORIES**

**TOD MAR**

**FISHING TACKLE**

**FIBERGLASS PRODUCTS**

Facebook: TodamarAruba Twitter: @TodamarAruba Instagram: TodamarAruba +297 585 0555

2 februari 2024

# Dia mundial di zonanan humedo

## BACKGROUND

**W**orld Wetlands Day, Dia Mundial di Zonanan Humedo ta ser celebra dor di Nacionnan Uni riba 2 februari. E commemoracion aki ta sirbi pa crea conscientisacion p'e importancia di zonanan humedo.

Zonanan humedo ta sostene ecosistemanan vital y ta mantene biodiversidad y na Aruba ta inclui rooi, saliña, laguna, area di mangel, pasto marino (seagrass beds) y rif di coral.

## TEMA PA 2024:

### ZONANAN HUMEDO Y BIENESTAR HUMANO

E Secretariado di e Tratado pa Zonanan Humedo, (RAMSAR Convention on Wetlands), ta invita un y tur pa uni n'e mensahe pa 2024 pa World Wetlands Day, cu ta "Wetlands and Human Wellbeing", esta "Zonanan Humedo y Bienestar Humano".

### MENSAHE DI MUSONDA MUMBA,

### SECRETARIO GENERAL, TRATADO DI RAMSAR

Zonanan humedo, ser humano y bida ta conecta. Zonanan humedo ta forma parti central di nos bienestar. Sea mediante e awa dushi cu nan ta provee, actuando como fuente di alimento of protehendo nos di eventonan di tempo y clima extremo, zonanan humedo saludabel ta ekivalente na nos bienestar.

Dia Mundial di Zonanan Humedo ta ser celebra cada año di 2 februari. E commemoracion aki ta sirbi pa crea conscientisacion di e importancia critico di zonanan humedo. Den tur skina di mundo ser humano pa siglonan a depende di zonanan humedo pa nan subsistencia, porvenir, inspiracion y di e resiliencia di e zonanan ambiental aki importante.

A pesar di e numeroso beneficio pa ser humano obteni di zonanan humedo, tur dia e zonanan aki ta ser haci daño pa ser humano. Zonanan humedo ta ser destrui pa practica no sostenibel di agricultura, cual ta un causa principal di perdida di zonanan humedo mediante drenahe di awa y dempelmento cu tera. Hopi zona humedo, particularmente cerca di ciudad tambe ta ser contamina pa actividad humano y degrada pa polucion di plastico, locual ta empeora e triple crisis planetario di cambio climatico, perdida di naturaleza y polucion, ultimamente afectando salud humano.

E tendencia actual di establecimiento di ser humano ta crea un menasa mayor p'e conservacion y utilisacion racionnal di zonanan humedo den y cerca di ciudadnan creciente. Ora ciudadnan expande e tendencia ta pa invadi zonanan humedo y esakinan ta desapareciendo tres biaha mas rapido cu boskenan. Pesey nos mester stop e destrucion y encurasha accion pa conserva y restaura e

ecosistemanan vital aki.

E Secretariado p'e Tratado RAMSAR ta invita bo pa uni n'e celebracion di 2 februari 2024. E tema pa 2024 ta "Zonanan Humedo y Bienestar Humano". Y cu solamente seis año mas pa cumpli cu e Objetivoan di Desaroyo Sostenibel (SDGs) na 2030, tin un necesidad urgente pa actua awor.

Pa Dia Mundial di Zonanan Humedo 2024, mi ta invita bo pa tuma accion des tres forma:

- Haci escogencia consciente pa stop contaminacion di zonanan humedo;
- Tuma parti den esfuerzo global pa conserva y utilisa sosteniblemente zonanan humedo; y
- Participa den esfuersonan local pa restauracion di zonanan humedo.

## SITUACION NA ARUBA

E problema principal di Aruba pa loke ta zonanan humedo t'e falta di un ordenanza nacional pa medio ambiente (Landsverordening Milieubeheer). Consecuentemente e obligacion pa haci estudio di impacto ambiental no ta regla pa ley y ta legislacion pa proteccion di naturaleza so por ser aplica.

Den e periodo 2005-2009 pa extende e periodo pa utilision di dump di Parkietenbos a designa gran parti di e area di mangel banda di e dump original pa ser converti den celnan pa dera sushi.

Den un tesis pa Bachelors Degree di 2015 di estudiante Rikkert Loosveld di University College Utrecht, titula "Improper waste management and the increasing threat to the Aruban economy. An assessment of adverse effects of anthropogenic disturbances on the Parkietenbos mangroves of Aruba" ta documenta extensamente e daño haci y e contaminacion den y rond e mangelman cu a keda na Parkietenbos y e ambiente marino di full e costa sur di Aruba pabou di e dump.

Construccion di e brug nobo pa Green Corridor Aruba, cu tawata rekeri pone pilon p'e brug memey di mangelman den e area proteha di Spaans Lagoen, registra como RAMSAR wetland segun e Tratado pa Zonanan Humedo, a kap mangel, pero a planta e ekivalente di e area perdi di mangel bek den e mesun area. Den e mesun area di Spaans Lagoen sinembargo a permiti construccion sin ningun permiso of estudio di impacto ambiental di e Balashi Cabins.

Den area di Pos Chikito y Savaneta a permiti kapmento di mangel pa casnan y proyectonan super luhoso pa turismo ser construi, mayoria di nan construi pa habitante/comerciante stranhero.

Na Santo Largo y Mangel Halto Gobierno tin planea pa amplia infrastructura pa ricibi turista, pero e embeyecimento aki lo bay afecta negativamente e

# World Wetlands Day

2 February 2024



mangelman den e areanan aki.

Den e area cu ta core for di comienso di pista di aeropuerto te cu dump di Parkietenbos a kap mangel tanto riba tereno di aeropuerto y pa ampliacion di e marina na unda tin un mownton di yate y barco mara y a lo largo di Bucutiweg completo y e parti di costa dilanti Kas Paloma a permiti un free for all di construccion di pier, unda a construi memey di mangelman y a kap mangel na gran escala.

Hasta den e area cu ta core for di Eagle Beach te e actual area for di Divi Phoenix te Hilton na otro banda di e caminda principal a kap mangel of altera tereno di mangel, y den full e banda pabou di Bubaliplas areanan di mangel a keda afecta pa construccion di e hotelnan den e area aki.

Den e Landsbesluit di 5 mei 2020 (AB 2020, no.67) un cantidad di area nobo a keda declara area proteha y poni bou maneho di Fundacion Parke Nacional Aruba.

Segun Landsbesluit inheemse flora en fauna, 8 augustus 2017 (AB 2017, no.48) den articulo 2, a base di articulo 4, inciso 2, sub a di Landsverordening Natuurbescherming (AB 1995, no.2) a declara tur cuater tipo di mangel na Aruba como especie proteha y segun articulo 6, inciso 2 di Landsverordening Natuurbescherming ta prohibi pa kita parcialmente, por completo of daña mangel.

Mester constata cu casi tur caminda ta viola proteccion di (area di) mangel, esta zonanan humedo.

Recentemente a surgi e problema di creacion di un beach pa Embassy Suites cu a ser para pa via di proteccion di mangelman y yerba di lama.

Pero mester constata cu e problematica di e planta di purificacion na Bubali RWZI y maneho sano di e zonanan humedo den e proyecto Western Wetlands den cual pa diferente zona humedo incluyendo e Bubaliplas a pidi status di zona colectivo proteha den Tratado RAMSAR, ta muestra cu falta hopi pa un adecuado maneho di zonanan humedo na Aruba tuma luga.

# Kiwanis Club of Palm Beach aportando na comunidad di Aruba en general

**K**iwanis Club of Palm Beach (KCPB) a tuma nota di algun publicacion insinuando cu KCPB lo no ta aportando na Carnaval y cu KCPB lo ta actuando contra ley pa cu e fiesta anual di Masquerade. KCPB ta lamenta e insinuacionnan aki.

Pa 40 año KCPB ta contribuyendo na nos comunidad, cu un cantidad grandi di proyectoran na beneficio di desaroyo di muchanan ariba nos isla. Tambe KCPB a bin ta haci donacionnan cuantioso pa un cantidad grandi di organizacionnan cu ta aporta na educacion, deporte, y na garantia cu muchanan no mester pasa hamber na Aruba.

KCPB ta organisa diferente actividadnan pa genera fondo pa por cumpli cu e metanan menciona. E tent di KCPB na paradaan di Carnaval y e fiesta di Masquerade ta dos di e actividadnan pa genera e fondo necesario. E dos actividadnan aki ta posibel cu aporte di diferente comercianten an-

cu ta permiti KCPB uza nan tereno/edificio priva y/o ta haci donacion pa por logra esaki.

KCPB ta consisti di un grupo dedica di boluntario cu ta aporta di nan mes cartera, tur luna financieramente y ta duna tur dia di año di nan tempo liber pa logra e metanan ariba menciona. KCPB su focus ta pa aporta na comunidad general y lo sigui haci esaki cu hopi amor.

Manera custumber, despues di actividadnan di KCPB, tur fondo crea lo wordo reparti na organizacionnan cu ta aporta na interes general. Asina KCPB lo sigui pone su energia y dedicacion na cosnan positivo pa comunidad di Aruba. KCPB ta gradici cada un persona, organizacion, comerciente cu ta yuda KCPB pa logra e meta di yuda comunidad di Aruba. Kiwanis Palm Beach ta pertenece na e organizacion global Kiwanis Internacional cu ta un instancia caritativo dedica na haci nos mundo miho door di cambia un comunidad pa medio di un mucha cada bes.

Mas informacion por haya riba: [www.facebook.com/kiwanispalmbeacharuba](https://www.facebook.com/kiwanispalmbeacharuba) of nos pagina di web: [www.kiwanispalm-beach.com](http://www.kiwanispalm-beach.com).





**PASEO HERENCIA**

**THE BEST ENTERTAINMENT  
IN THE BEST ENVIRONMENT**

- **LATEST RELEASES**
- **RECLINING SEATING**
- **LASER PROJECTION**
- **7.1 DOLBY SOUND**
- **RESERVED SEATING**
- **ONLINE TICKETING**
- **CONCESSION AND DELI**

## Minister Xiomara Maduro a bishita Colegio San Hose y Scol Soeur Juliette

Nos muchanan a siña mas di e celebracion di Dia di Betico

Finalisando e bishitanan escolar en conexion cu Dia di Betico, Minister Xiomara Maduro encarga cu Cultura, a bishita Colegio San Hose y Scol Soeur Juliette pa asina combersa cu e muchanan riba e celebracion aki.

Riba e prome bishita di e mainta aki na Colegio San Hose, e mandatario a wordo ricibi cu alegría pa tur e alumnunan y nan maestronan cu a sali pa dun'e un caluroso bonbini. Despues di esaki, Minister Maduro a bishita klas 6 pa asina combersa cu e muchanan riba Dia di Betico, pa splica nan e importancia di e logronan di Betico pero tambe pa inspira nan pa sigui studia y persigui nan aspiracionnan. Uzando Betico como ehempel, e mandatario a inspira e muchanan pa semper kere den nan mes y tambe bay pa locual cu nan kier logra. E mandatario a finalisa e bishita hungando un wega cu e muchanan cu tabata tin Dia di Betico como tema.

E mainta a finalisa na Scol Soeur Juliette unda cu Minister Maduro a haya e oportunidad pa cuminda e alumnunan di e scol aki y tambe combersa cu nan riba Dia di Betico y kico e dia aki ta nifica pa nos. Mester menciona cu e muchanan tabata sumamente contento cu e bishita di e mandatario y comparti cu ne con nan lo bay celebra e dia aki.

Minister Maduro ta gradici e cabesante y maestronan di Colegio San Hose y Scol Souer Juliette pa a ricibi'e y permiti'e comparti un rato ameno cu tur e muchanan y tambe di por a conta nan un tiki mas di e celebracion di Dia di Betico. E mandatario a invita e muchanan y nan mayornan pa celebra e dia aki y asina hunto biba nos cultura.



# Fortaleza pa Famia

## E boluntad di Dios mester ta na prome luga den nos bida

**ORA** un hende kier biba manera e kier, na su manera, e lo haya resultado manera e kier , pasobra bida di hende ta cosecha di locual nan mes a sembra. Locual abo a sembra den bo bida, ningun hende no ta bay cosech'e pa bo, ta bo mes ta bay hay'e, p'esey nos ta recomenda un bida cu respet y temor di Dios, pasobra aunke cuanto sabi un hende por ta, cuanto placa e por tin, of un posicion halto, nada di e cosnan ey no ta impresiona Dios, pasobra Dios ta Soberano.

Actitud di hende, ta demostra tur cos, caracter, integridad, seriedad, decencia, y hasta e relacion cu nan tin cu Dios. Nos bida cu nos tin cu Dios, no ta un bida di mascara, tampoco di makiyahe, pasobra Dios ta wak directamente na nos curason, y Dios no ta haci wega, Dios ta serio, E tin misericordia, E lo no reprende pa semper (Salmo 103:9) ni keda rabia pa semper.

Pero ora nos sa cu nos ta robes, y nos consenshi mes ta bisa nos cu ta trata di pica, nos tin di tene cuidao pa nos no tenta Dios, y asina cay den scuridad diabolico. Pasobra eynan nos ta demostra cu nos a scoge pa peca boluntariamente (Hebreonan 10:26),

Siña mi haci Bo boluntad, pasobra Abo ta mi Dios, laga Bo bon Spirito guia mi na e tera di rectitud (Salmo 143:10).

No uni boso mes den yugo desigual, cu incredulonan, pasobra ki compañoismo husticia tin cu inhusticia, y ki comunion luz tin cu scuridad, Of ki harmonia Cristo tin cu Belial, of kico un creyente tin cu un incredulo. Of ki combenio e tempel di Dios, tin cu idolo. Pasobra nos ta e tempel di e Dios bibo, manera Dios a bisa: Lo mi biba den nan y cana meymey di nan, y lo Mi ta nan Dios, y nan lo ta mi pueblo:

P'esey sali for di meymey di nan, y separa boso mes, Señor ta bisa, y no mishi cu loke ta impuro, y lo mi ricibi boso, Y lo Mi ta un Tata pa boso, y boso lo ta yiu hombernan y yiu muhenan pa Mi, e Señor Todopoderoso ta bisa (1 Corintonan 6:14-18).

P'esey, como cu awor nos tin e promesanan aki, stima nan, laga nos purifica, cu tur impuresa di carni y spirito, y asina perfecciona nos santidad den e temor di Dios (1 Corintonan 7:1).



No laga ningun hende gaña boso pasobra, buracheria, droga, inmoralidad, paranda, perversidad, adulterio, violencia, mentira, ta leu for di boluntad di Dios. Tur esaki ta pertenece na e mundo di scuridad, tur esaki ta parti di e plan di e enemigo (Juan 10:10).

E palabra di Dios ta bisa cu tentacion lo bini, pero nos no ta esnan cu ta causa tentacion, pasobra e palabra di Dios, ta bisa cu ay di esun cu ta causa tentacion, y cu ta pone un di e chikitinan cay (Marco 9:42-43). Ta imposibel pa nos ta apoya tentacion y sirbi Dios na mesun momento.

Sinembargo, e fundeshi firme di Dios ta para, seya cu e inscripcion aki: Señor conoce esnan cu ta di dj'E y laga tur esnan cu ta menciona nomber di Señor abstene di maldad (2 Timoteo 2:19).

Dios den su gran misericordia ta ofrece oportunidad pa arepenti, bolbe bek, y pone Jesus Cristo na prome luga den nos bida, pasobra ta Dios so nos tin cu alaba, ta un Dios hende por sirbi, ta dificil pa un hende ta sirbi Dios, y na mesun momento e kier ocupa, su mes den cosnan di mundo.

# Un persona herida despues cu auto a bolter na Jaburibari



Diaranson birando anochi unidad-nan di rescate y polis a sali pa Jaburibari, pa ta exacto altura di e Stichting Thuiszorg Aruba. Eynan un auto a bolter y e persona a keda pega den e auto.

Na yegada di autoridad, nan a topa memey caminda un Suzuki Vitara ariba su banda y den dje un persona pega. Bomberonan cu a yega a sigui protocol y a bay over na saca e persona y pas'e over pa Paramediconan.

Caminda di Jaburibari a stagna pa algun rato, polisnan mester a cera ambos banda desviando trafico.

Polis di trafico a conduci e investigacion y mester bisa cu esaki a dura algun rato, prome cu nan a habri caminda bek. Pa locual ta e victimia, Paramediconan a transport'e cu urgencia pa Hospital.

E accidente lo a sosode; posiblemente doer di velocidad halto y no tin conociemento di e caminda, o sea e verkeers plateaunan.

"Señor ta mi Wardador, mi'n tin falta di nada; D "Señor ta mi Wardador, mi'n tin falta di nada; Den cunuku di yerba berde, E ta pone mi sosega. E ta hiba mi na awa trankil, pa mi bolbe haña forsa. E ta guiami den caminda drechi fiel na su nomber." Salmo 23

Cu hopi tristeza na nos curason , pero conforme cu boluntad di Dios, nos ta anunsia fayesimento "inesperadamente "di:

## Edgard Croes

Mihor conoci como "Gatty" of "Dongo"  
\*26-01-1979 +27-01-2024

Na nomber di su:

**Esposa:** Sherileen Werleman



**Mama:** Sra. Vda. Francelina (Inchi) Croes

**Tata:** +Secundino Croes

**Wela & Welo parti mama:** +Jacinto Croes & +Maria Croes

**Wela & Welo parti tata:** +Rosa Geerman & +Felis Croes

**Padrastro:** +Erick Leest

**Yiu:** Brandon Croes

**Mama di su yiu:** Gisella Jansen

**Ruman:** +Jacqueline (Jacky) Rasmijn Croes

**Subrina:** Jaylyenne (Jaylee) Rasmijn

**Subrino:** Calvin & Carlos Maduro y yiu nan

**Mescos cu subrina:** Jayrene Kock

**Suegro:** Rodney Werleman

**Suegra:** Sharine Werleman

**Wela & Welo di esposa:** Brigida & Luis Werleman

**Swa:** Renato Rasmijn

**Cuña:** Roshleen Tromp

**Ihanan:** Samantha, Aldrin, Jayleen, Siryali, Davey.

**Padrino y Madrina:** Stela Carrion & Pedro Ras.

### Omo y tantanan:

Isia, Pedro Ras y familia

Augustin, Floralba Croes y familia

Maria Croes y yiu

Regino Coes y familia

Michael Croes y yiunan

Stella, Ronald Carrion y yiunan y familia

Hilda Croes, Armando Bulos y yiunan y familia

Margaritha Croes y yiunan

Elvira, Girard Winklaar y yiunan y familia

+Vito, Linchi y yiunan

Milo Croes

Rochi Croes y yiunan

Beto Leest y yiunan

Michael Leest y yiu na Hulanda

Sherline Leest y yiunan na Hulanda

Lilian Leest-Lacle y yiunan na Hulanda

Prima y primo ta hopi pa menciona

**Manera ruman:** Endel Kock y familia

**Bon amigo di cas:** Rudy Croes, Aldrick Alexander, Jerry Agunbero, Alex Jansen y Oshiline Kock

Bon amigonan di Cacique Foodmart y Bou Palo

Y na tur su bon bisiña.

Na tur su bon amigonan di Estrella Basketball y Rockets Team Aruba.

**Na tur su alumno cu el a yuda den e mundo di Baseball Specialmente na:**

Chadwick y Jiandido Tromp, Brandon Sintjago, Amir Lacle, Raibiently Mercalina, Randolph Oduber, Nathan Arends, Liam Kock, Ethan De Cuba y familia, Cal Maduro, Jurickson Profar, Dwayne Dabian, Emile y Darryl Thiel, Sincarf Loopstook, Nathan Berkel

**Bon amigonan di Baseball Specialmente:**

Amador Oduber, Timoteo Geerman, Xander y Jair Bogaerts Eugene Kingsale, Edson Kelly, Elwin Rincones, Armando Chacon Radhames Dijkhoff, Eddy Dow.

Ex coleganan di Fundacion Facilidadnan Deportivo, Wegenbouw, Hernac, Fatamorgana

**Famia:** Croes, Rasmijn, Maduro, Werleman, Leest, Thiel, Dwarkasing, Tromp, Carrion, Winklaar, Dania, Geerman, Lacle, Mercalina, Sintjago, Bogaerts, De Cuba, Jansen, Van Der Briezen, Kock, Vrolijk, Berkel, Dijkhoff, Dow, Koolman, Gomes, Willem

Y demas famia y amistadnan cu ta mucho hopi pa menciona.

Nos ta pidi disculpa si den nos tristes a lubida algun famia of amistad.

Ta deseо di nos defunto pa asisti cu trahe ligt blauw of color alegre.

**Acto di condolencia lo Tuma lugar:** Diahuebs 1 Feb '24 Na The Olive Tree Funeral Care & Crematory di 6:00 pm pa 8:00pm.

Ta invita pa e acto di Despedida cu lo tuma lugar Diabierna 2 Feb'24 na The Olive Tree Funeral Care & Crematory na Piedra plat di 9:00am-11:00am, despues lo pasa cas na Warawara 19C y despues pa Stadion Winston sigui pa cremashon lo ta den seno familiar.

Despues di despedida nos lo no ricibi bishita di condoleancia na cas.



**Aurora**  
**Royal Pray**  
Funeral Home & Crematory

### Gradicimento y Invitacion

Nos kier a gradici kada un famia y amistad nan cu di un manera of otro a duna nos sosten, consuelo y forza pa cu e fayecimento y entiero di nos difunto stima

## Gladis Jacobs

Un danki di curazon na tur esnan cu a manda flor, un mensage of a tuma un momento pa un yamada telefonico.

Tambe nos kier gradeci, Inmensamente Dr. Garcia y e team di Insam pa nan cariño y dedicashon di Departamento di Dialyse. Na e team Lite Life Medcab pa transporte cu hopi amor.

Alavez nos kier haci un invitacion pa asisti na tres santo sacrificio di misa pa recorda e prome luna di fayecimento di nos ser keri, cu lo tuma lugar na Misa di Tanki Leedert riba e siguiente fechanan:  
Diahuebs 1 di Februari 2024 pa 6:30 pm  
Diasabra 3 di Februari 2024 pa 6:30 pm  
Diadumingo 4 Februari 2024 pa 9:00 am  
Boso presencia lo ta altamente aprecia.



**Aurora**  
**Royal Pray**  
Funeral Home & Crematory

Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur buniteza.  
Cado Wever.

Nos ta anuncia fayecimento di:

## Liliana Nelly Cardenas Mendoza-Arias Chacaltana

\*02-02-1961 - †29-01-2024

Cremashon lo tuma lugar den seno familiar



**Aurora**  
**Royal Pray**  
Funeral Home & Crematory

"Señor ta mi wardador, mi'n tin falta di nada. Den cunuku di yerba berde e ta ponemi sosega. E ta hibami na awa trankil, pa mi bolbe haña forsa". Salmo: 23

Cu dolor na nos curason, nos ta participa fayecimento di nos ser stima:

## Sra. Isidoria M. Rasmijn-Tromp

Cariñosamente yama "Chima"

\*15-05-1954 - †29-01-2024

Acto di entiero lo wordo anuncia despues



## Aurora Royal Pray Funeral Home & Crematory

Na paz lo mi bay drumi y pega soño,  
pasombra ta Abo so, O Señor, ta hacimi biba den  
siguridad. - Salmo 4:8

Cu dolor na nos curason, nos ta participa  
fayecimento di nos ser stima:

### Marta Beatriz Sanchez

\*09-08-1938 - †26-01-2024

#### Yiunan:

Yvonne & Ricardo Fortin-Godoy  
Sigfried & Ethline Godoy-Dekker  
Carlos & Malva Godoy-Dania  
Martin & Zoraida Godoy-Lee

**Tata di su yiunan:** †Sigfrido Godoy

#### Nieto- y nietanan:

Mauri & Marnix, Sawatsky & Denise, Curt,  
Rhafotsky & Marijke, Phil & Elaine, Ross, Kim,  
Carlmaltsky y Chris

#### Bisanieto- y bisanietanan:

Shanyika, Shayneya, Caithlynn, Cayenne,  
Guillyana, Camareno, Dezaya, Shae-lynne,  
Kaylyn, Aiden, Kiana y Zoey

#### Tataranietonan:

Chase, Caleb y Cayne

#### Rumannan:

†Juan Sanchez y familia  
†Alfonso Sanchez y familia  
†Aura Sanchez y familia  
Fanny Zievinger y familia  
†Edith Malmberg y familia

#### Cuña y suanan:

†Walmira Godoy y familia  
†Jorge Petro y familia na Colombia  
†Carlos Patiño y familia na Colombia  
Ex-coleganan di AMC Unicon

**Demas famia:** Sanchez, Godoy, Bermudes, Fortin,  
Dekker, Dania, Lee, Bikker, Zievinger, Malmberg,  
Diaz, Petro, Patiño, Kousemaker, Braber, Sint Jago,  
Mannetje, Rigaud, Zuñiga.

Ta invita pa acto di entiero cual lo tuma lugar na  
Royal Funeral Home **diabierna 2 di februari 2024** di  
2'or pa 4'or di atardi. Despues lo sali pa Santana  
Central Sabana Basora

Nos ta pidi disculpa si, den nos dolor, nos por a  
lubida un persona



## Aurora Royal Pray Funeral Home & Crematory

Famia nan ta gradici tur esnan cu a compaña nos  
na entiero di nos ser keri stima

### Francisca Maria Ruiz

Un danki na tur esnan cu a haci yamadanan,  
telefon, bisiñanan y esnan cu a yuda durante  
entiero te na ultimo momento. Na pastoor Jan,  
Staf y personal di Orquidia Saba Oranjestad,  
dokternan y enfermeranan cu a yude y esnan cu  
a manda flor y  
Tambe pa Randall Croes pa su bunita canticanan.

Danki di curason.



## Aurora Royal Pray Funeral Home & Crematory

Señor ta bo wardador,  
Señor ta bo sombra na bo lado.  
Den dia solo lo no molestia bo,  
Ni luna den oranan di anochi.  
Señor ta warda bo di tur malo,  
si, E ta spar bo dida.  
E ta ward abo entrada y salida  
for di awor te den tur eternidad.  
Salmo 121: 5-8

Cu inmenso tristeza nos ta anucia fayecimento  
inesperadamente di:

### Ewald E. Bishop

Mihor conoci como: "Waldi"  
\*26-05-1963 - †27-01-2024

Na nomber di su:

**Esposa:**  
Iris Bishop-Franken

#### Yiunan:

Ewald Bishop  
Jonathan Bishop y Shaydee Schwengle  
Naomi Bishop (USA)

#### Nieta stima:

Zoella Bishop

#### Mayornan:

Eselien y †Wilfred Bishop-Vanenburg

#### Rumannan:

Osteida Bishop (Cur)  
Marlon Bishop y familia (Cur)  
Giovanni Bishop y familia (Cur)  
Valery Bishop y familia (Cur)  
Wilfred Bishop y familia (Cur)  
Heinrich Bishop y familia (Cur)

#### Subrino/anan:

Amouri Bishop, Jonathan Martina y you, Javier  
Martina, Heinrich Anthony y familia, Giovarri  
Barranco, Thalia Barranco, Jairo Bishop, Malyane  
Bishop, Gedione Bishop, Diomantly Bishop, Giyona  
Bishop, Djowendrick Bishop, Queeneisha Bishop,  
Blue Velly's Bishop

**Suegra:**  
Jozefa Antonia Bermudez

#### Swa y cuñanan:

Anthony Kwidama y familia  
Melushka y Sydney Monticeuex y familia  
Robert y Esmeralda y familia  
Mario y Joanna y familia  
Lissette y Urven Winklaar y familia

**Amigonan:** Andres, Ochi, Robby Pieterz, Josito  
y tur amistades nan na Aruba, Korsow, St. Maarten,  
Merca, Hulanda y Surinam.

Tur tanta y omonan, tio y tianan, primo y primanan,  
comer y compernan, bisiñanan y ex-coleganan di  
Rotech, BoPel, Crown, Auto Bus y Ship-L.

**Demas famia:** Bishop, Franken, Vanenburg,  
Martina, Kwidama, Anthony, Barranco, Schwengle,  
Winklaar, Bermudez, Monticeuex.

**Oportunidad pa condolencia:** [diahuebs 1 di februari 2024](#) na Royal Funeral Home di 7:00 pa 9:00  
di anochi.

Ta invita pa e acto di entiero cu lo tuma lugar  
**diabierna 2 di februari 2024** na Royal Funeral Home  
di 09:00 pa 11:00 di mainta, despues saliendo pa  
Santana catolico de Vries na Sta Cruz.

Nos disculpa si den nos tristeza nos por a lubida di  
mencionia un miembro di familia of conocer.

Despues di entiero nos no ta ricibi bishita di  
condolencia na cas.



## Aurora Royal Pray Funeral Home & Crematory

Señor ta mi wardado, m'n tin falta di nada  
Den cunucu di yerba berde e ta ponemi sosega  
E ta hibami na awa frankil  
Pa mi bolbe haña forsa  
Salmo:23

Cu tristeza den nos curason, pero conforme cu  
boluntad di Dios, nos ta participa fayecimento  
inesperada di:

### Raymundo Fabiano Bermudez

ex Taxista TX-21  
\*23-01-1939 †23-01-2024

#### Mayornan:

†San Martin Bermudez  
†Felicia Precentration Tromp-Bermudez

#### Compañera:

Vera Kelly y familia

#### Su yiunan:

Marten Bermudez y Claverina Tromp  
Raymond 'Monty' Bermudez  
Alexander y Sasha Bermudez-Croes  
Marvin Bermudez y Julissa Croes  
Marla y Ryan Maduro-Bermudez

#### Nieto(a)nan:

Derrick Bermudez  
Ferdinand Bermudez  
Shanon Bermudez  
Hillary Bermudez  
Sander Bermudez  
Marvic Bermudez  
Joshua Croes  
Jean-Ray Bermudez  
Mary-Ann Maduro  
Rymar Maduro

#### Bisanietanan:

Dervienne  
Sophie Bermudez

#### Rumannan:

Victoriano Bermudez y †Maria Bermudez-Faro  
†Imelda Eckmeyer-Bermudez y †Jacobó  
Eckmeyer  
†Francisco Bermudez y †Germania-Bermudez-Ramirez  
†Luis Bermudez † Josefa Bermudez-Faro  
†Marco Bermudez  
†Marianita Bermudez

Subrino(a)nan, Swa- y Cuñanan, Prima y  
Primanan, Comer y Compernan, Ihanan.

**Famianan:** Bermudez, Kelly, Tromp, Croes,  
Maduro, Eckmeyer, Faro, Ramirez, Winterdaal,  
Medina, Helder, Vrolijk, De Jongh, Juani, Del  
Valle Manjarres, Fingal, Gonçalves, Tecklenborg,  
Koolman, Paskel, Ruiz, Carrera, Besselink, Martis,  
Leo, Mejia, Anjie, Simileer, da Silva, Eduardo,  
Figaroa y demas famianan.

Nos mas sincero disculpa si den nos tristeza, nos  
por a lubida un of otro familia/ conocer.

Oportunidad pa condolencia y despedida ta  
tuma lugar **diabierna 2 di februari 2024**, for di 9:00  
pa 11:00 di mainta na Aurora Funeral Home. Acto  
di cremacion ta tuma lugar den seno familiar.

Nos ta lamenta di no por ricibi bishita di  
condolencia na cas.



# AWEMainta

**Scan nos QR code y  
bira abonado di AWEMainta**

Completamente GRATIS

1: Usando bo camera di telefon,  
scan nos QR code na banda.

2. Bay riba "Show Options",  
"Open in broswer".

3. Yena e formulario.

**Haya AWEMainta  
tur dia den bo inbox!**



[www.awemainta.com](http://www.awemainta.com)



[www.facebook.com/AWEMainta](https://www.facebook.com/AWEMainta)



5880022



[info@awemainta.com](mailto:info@awemainta.com)  
[noticia@awemainta.com](mailto:noticia@awemainta.com)  
[aviso@awemainta.com](mailto:aviso@awemainta.com)